



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

01.12.2020թ.

Ո Ր Ո Շ ՈՒ Մ

ՀՀ գնումների հետ կապված բողոքներ քննող անձի թիվ ՍՑ-ՆԳ-2020/243

Հայաստանի Հանրապետության գնումների հետ կապված բողոքներ քննող անձը՝ ի դեմս Գրիգոր Ներսիսյանի, ուսումնասիրելով Հայաստանի Հանրապետության ֆինանսների նախարարության 13.11.2020թ. թիվ 26/26-1/16935-2020 գրությամբ Ա/Ձ Կառլեն Սուրենի Ռուստամյանին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգով ներկայացված հիմքերը, պարզեցի հետևյալը.

1. ՀՀ ֆինանսների նախարարության ներկայացրած փաստերը և պահանջը.

ՀՀ ֆինանսների նախարարությունը «Հայկական ատոմային էլեկտրակայան» ՓԲԸ-ի 09.11.2020թ. թիվ E/40/2126-20 գրության հիման վրա 13.11.2020թ. թիվ 26/26-1/16935-2020 գրությամբ նախաձեռնել է Ա/Ձ Կառլեն Սուրենի Ռուստամյանին (հետայսու նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

2. Ա/Ձ Կառլեն Սուրենի Ռուստամյանի կողմից ներկայացված փաստարկները և դիրքորոշումը.

Ա/Ձ Կառլեն Սուրենի Ռուստամյանի կողմից ՀՀ գնումների հետ կապված բողոքներ քննող անձի սույն որոշումը կայացնելու օրվա դրությամբ գրավոր դիրքորոշում

չի ներկայացվել:

Ա/Ձ Կառլեն Սուրենի Ռուստամյանը, պատշաճ ծանուցված լինելով ՍՑ-ՆԳ-2020/243 ընթացակարգի շրջանակներում 23.11.2020թ. ժամը 10:20-ին հրավիրված նիստի վերաբերյալ, չի ապահովել իր ներկայացուցչի մասնակցությունը:

3. «Հայկական ատոմային էլեկտրակայան» ՓԲԸ-ի կողմից ներկայացված փաստարկները և դիրքորոշումը.

«Հայկական ատոմային էլեկտրակայան» ՓԲԸ-ն (հետայսու նաև՝ Պատվիրատու) ՀՀ ֆինանսների նախարարությանն ուղղված 09.11.2020թ. թիվ E/40/2126-20 գրությամբ հայտնել է հետևյալը.

««ՀԱԷԿ» ՓԲԸ-ի կարիքների համար «ՀԱԷԿ» ՓԲԸ-ի գլխավոր մասնաշենքի տեղային գոտու պարագծով սպասարկման ճանապարհի բետոնացման աշխատանքների կատարման նպատակով կազմակերպված «ՀԱԷԿ-ԳՀԱՇՁԲ-8/20» ծածկագրով գնման ընթացակարգի արդյունքում «ՀԱԷԿ» ՓԲԸ-ի և Ա/Ձ Կառլեն Սուրենի Ռուստամյանի միջև 18.06.2020թ. կնքվել է թիվ 02/07 պայմանագիրը:

Հաշվի առնելով Ա/Ձ Կառլեն Սուրենի Ռուստամյանի կողմից 15.10.2020թ. ներկայացված թիվ 02/10/20 գրությունը և Պայմանագրի 3.1.4 կետի ա) ենթակետը, հիմք ընդունելով ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 33-րդ կետի 17-րդ ենթակետի դրույթները՝ Պայմանագիրը միակողմանի լուծվել է, որի մասին ծանուցումը տեղեկագրում հրապարակվել է 03.11.2020թ.»:

Պատվիրատուն, պատշաճ ծանուցված լինելով ՍՑ-ՆԳ-2020/243 ընթացակարգի շրջանակներում 23.11.2020թ. ժամը 10:20-ին հրավիրված նիստի վերաբերյալ, չի ապահովել իր ներկայացուցչի մասնակցությունը:

4. ՍՑ-ՆԳ-2020/243 ընթացակարգի քննության համար էական նշանակություն ունեցող փաստերը.

ՍՑ-ՆԳ-2020/243 ընթացակարգի քննության համար էական նշանակություն ունեն հետևյալ փաստերը.

1.«Հայկական ատոմային էլեկտրակայան» ՓԲԸ-ի և Ա/Ձ Կառլեն Սուրենի Ռուստամյանի միջև 18.06.2020թ. կնքվել է թիվ 02/07 ծածկագրով «ՀԱԷԿ» ՓԲԸ-ի կարիքների համար գլխավոր մասնաշենքի տեղային գոտու պարագծով սպասարկման ճանապարհի բետոնալցման կապալային աշխատանքի պայմանագիր (հետայսու նան՝ Պայմանագիր), որի 1-ին կետի 1.1 ենթակետի համաձայն՝ Կապալառուն պարտավորվել է Պայմանագրով սահմանված կարգով, ծավալներով, ձևով և ժամկետներում կատարել պայմանագրի N 1 հավելվածով՝ Ծավալաթերով, նախատեսված աշխատանքը, իսկ Պատվիրատուն պարտավորվում է ընդունել կատարված աշխատանքը և վարձատրել դրա համար:

2. Պայմանագրին կից Հավելված 2-ով՝ Օրացուցային գրաֆիկով, սահմանվել է հետևյալը.

N ը/կ	Կապալառուի կողմից կատարվելիք աշխատանքների առանձին տեսակների անվանումներ	Աշխատանքների կատարման ժամկետը	
		Սկիզբը	Ավարտը
1	Հողի հարթեցում	«ՀԱԷԿ» ՓԲԸ տարածք մուտքի ստանալու օրը	Թոյլտվություն
2	Փռված և հարթեցված շերտերի սարքվածք ավազակոպճային խառնուրդով՝ 100մմ հաստությամբ		ստանալու օրվանից հաշված 60
3	Ճանապարհի իրականացում M 200 բետոնով՝ 12 սմ հաստությամբ		օրացուցային օր

3. Պատվիրատուի կողմից ներկայացված տեղեկատվության համաձայն՝ Ա/Ձ Կառլեն Սուրենի Ռուստամյանը «ՀԱԷԿ» ՓԲԸ-ի տարածք մուտքի թույլտվություն ստացել է 27.09.2020թ.:

4. Ա/Ձ Կառլեն Սուրենի Ռուստամյանը Պատվիրատուին ուղղված 15.10.2020թ. թիվ 02/10/20 գրությամբ հայտնել է հետևյալը.

5. «Տեղեկացնում ենք, որ «ՀԱԷԿ» ՓԲԸ-ի կարիքների համար «ՀԱԷԿ-ԳՀԱՇՁԲ-8/20» ծածկագրով «ՀԱԷԿ» ՓԲԸ-ի գլխավոր մասնաշենքի տեղային գոտու պարագծով սպասարկման ճանապարհի բետոնալցման աշխատանքների իրականացման ընթացակարգի շրջանակներում կնքված 02/07 ծածկագրով պայմանագրի իրականացումը ստեղծված իրավիճակից ելնելով հնարավոր չէ, քանի որ ընկերության երկու աշխատակիցները որոնց համար ստացվել էին անցագրեր, այժմ չեն գտնվում ՀՀ-ում՝ մեկնել են Արցախ:

Իսնդրում ենք ելնելով պատերազմական իրավիճակից փոխադարձ համաձայնությամբ լուծել պայմանագիրը»:

6. Ա/Ձ Կառլեն Սուրենի Ռուստամյանին ուղղված 03.11.2020թ. թիվ E/40/2097/20 ծանուցմամբ «Հայկական ատոմային էլեկտրակայան» ՓԲԸ-ն հայտնել է հետևյալը.

««ՀԱԷԿ» ՓԲԸ-ի կարիքների համար «ՀԱԷԿ» ՓԲԸ-ի գլխավոր մասնաշենքի տեղային գոտու պարագծով սպասարկման ճանապարհի բետոնալցման աշխատանքների կատարման նպատակով կազմակերպված «ՀԱԷԿ-ԳՀԱՇՁԲ-8/20» ծածկագրով գնման ընթացակարգի արդյունքում «ՀԱԷԿ» ՓԲԸ-ի և Ա/Ձ Կառլեն Սուրենի Ռուստամյանի միջև 18.06.2020թ. կնքվել է թիվ 02/07 պայմանագիրը:

Հաշվի առնելով Ձեր 15.10.2020թ. թիվ 02/10/20 գրությունը և Պայմանագրի 3.1.4 կետի ա) ենթակետը, հիմք ընդունելով ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 33-րդ կետի 17-րդ ենթակետի դրույթները՝ Պայմանագիրը միակողմանի լուծվում է»:

7. Պատվիրատուի կողմից www.procurement.am հասցեով գործող ինտերնետային կայքում (հետայսու նաև՝ Տեղեկագիր) 03.11.2020թ. հրապարակվել է Պայմանագիրը միակողմանի մասնակի լուծելու մասին ծանուցումը:

5. ՀՀ գնումների հետ կապված բողոքներ քննող անձի հիմնավորումները և եզրահանգումը.

ՀՀ գնումների հետ կապված բողոքներ քննող անձ Գրիգոր Ներսիսյանս, ուսումնասիրելով ՀՀ ֆինանսների նախարարության 13.11.2020թ. թիվ 26/26/16935-2020 գրությունը, «Հայկական ատոմային էլեկտրակայան» ՓԲԸ-ի 09.11.2020թ. թիվ E/40/2126-20 գրությունը՝ կից փաստաթղթերով, հայտնում եմ հետևյալը.

ՀՀ քաղաքացիական օրենսգրքի 345-րդ հոդվածի 1-ին մասի համաձայն՝ պարտավորության ուժով մի անձը (պարտապանը) պարտավոր է մեկ այլ անձի (պարտատիրոջ) օգտին կատարել որոշակի գործողություն. այն է՝ վճարել դրամ, հանձնել գույք, կատարել աշխատանք, մատուցել ծառայություն և այլն, կամ ձեռնպահ մնալ որոշակի գործողություն կատարելուց, իսկ պարտատերն իրավունք ունի պարտապանից պահանջել կատարելու իր պարտականությունը:

Նույն օրենսգրքի 408-րդ հոդվածի համաձայն՝ պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը:

«Գնումների մասին» ՀՀ օրենքի (հետայսու նաև՝ Օրենք) 6-րդ հոդվածի 1-ին մասի 6-րդ կետի համաձայն՝ բացառությամբ նույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի՝ գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Օրենքի 6-րդ հոդվածի 2-րդ մասը սահմանում է, որ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում գնումների հետ կապված բողոքներ քննող մարմնում՝ առանց վճարի: Տվյալ մասնակցի կարծիքը լսելուց հետո Գնումների հետ կապված բողոքներ քննող անձը նույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին սույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Այսպես, «Հայկական ատոմային էլեկտրակայան» ՓԲԸ-ի և Ա/Ձ Կառլեն Սուրենի Ռուստամյանի միջև 18.06.2020թ. կնքվել է թիվ 02/07 ծածկագրով «ՀԱԷԿ» ՓԲԸ-ի կարիքների համար գլխավոր մասնաշենքի տեղային գոտու պարագծով սպասարկման ճանապարհի բետոնալցման կապալալին աշխատանքի պայմանագիր, որի 1-ին կետի 1.1 ենթակետի համաձայն՝ Կապալառուն պարտավորվել է Պայմանագրով սահմանված կարգով, ծավալներով, ձևով և ժամկետներում կատարել պայմանագրի N 1 հավելվածով՝ Ծավալաթերով նախատեսված աշխատանքը, իսկ Պատվիրատուն պարտավորվում է ընդունել կատարված աշխատանքը և վարձատրել դրա համար:

Պայմանագրին կից Հավելված 2-ով՝ Օրացուցային գրաֆիկով, սահմանվել է հետևյալը.

N ը/կ	Կապալառուի կողմից կատարվելիք աշխատանքների առանձին տեսակների անվանումներ	Աշխատանքների կատարման ժամկետը	
		Սկիզբը	Ավարտը
1	Հողի հարթեցում	«ՀԱԷԿ» ՓԲԸ տարածք մուտքի ստանալու օրը	Թույլտվություն ստանալու օրվանից հաշված 60 օրացուցային օր
2	Փոված և հարթեցված շերտերի սարքվածք ավազակոպճային խառնուրդով՝ 100մմ հաստությամբ		
3	Ճանապարհի իրականացում M 200 բետոնով՝ 12 սմ հաստությամբ		

Պատվիրատուի կողմից ներկայացված տեղեկատվության համաձայն՝ Ա/Ձ Կառլեն Սուրենի Ռուստամյանը «ՀԱԷԿ» ՓԲԸ-ի տարածք մուտքի թույլտվություն ստացել է 27.09.2020թ.:

Ա/Ձ Կառլեն Սուրենի Ռուստամյանը Պատվիրատուին ուղղված 15.10.2020թ. թիվ 02/10/20 գրությամբ հայտնել է հետևյալը.

«Տեղեկացնում ենք, որ «ՀԱԷԿ» ՓԲԸ-ի կարիքների համար «ՀԱԷԿ-ԳՀԱՇՁԲ-8/20» ծածկագրով «ՀԱԷԿ» ՓԲԸ-ի գլխավոր մասնաշենքի տեղային գոտու պարագծով սպասարկման ճանապարհի բետոնալցման աշխատանքների իրականացման ընթացակարգի շրջանակներում կնքված 02/07 ծածկագրով պայմանագրի իրականացումը սրբեղծված իրավիճակից ելնելով հնարավոր չէ, քանի որ ընկերության երկու աշխատակիցները որոնց համար սրացվել էին անցագրեր, այժմ չեն գտնվում ՀՀ-ում՝ մեկնել են Արցախ:

Խնդրում ենք, ելնելով պարերազմական իրավիճակից, փոխադարձ համաձայնությամբ լուծել պայմանագիրը»:

Ա/Ձ Կառլեն Սուրենի Ռուստամյանին ուղղված 03.11.2020թ. թիվ E/40/2097/20 ծանուցմամբ «Հայկական ատոմային էլեկտրակայան» ՓԲԸ-ն հայտնել է հետևյալը.

««ՀԱԷԿ» ՓԲԸ-ի կարիքների համար «ՀԱԷԿ» ՓԲԸ-ի գլխավոր մասնաշենքի տեղային գոտու պարագծով սպասարկման ճանապարհի բետոնալցման աշխատանքների կատարման նպատակով կազմակերպված «ՀԱԷԿ-ԳՀԱՇՁԲ-8/20» ծածկագրով գնման ընթացակարգի արդյունքում «ՀԱԷԿ» ՓԲԸ-ի և Ա/Ձ Կառլեն Սուրենի Ռուստամյանի միջև 18.06.2020թ. կնքվել է թիվ 02/07 պայմանագիրը:

Հաշվի առնելով Ձեր 15.10.2020թ. թիվ 02/10/20 գրությունը և Պայմանագրի 3.1.4 կետի ա) ենթակետը, հիմք ընդունելով ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 33-րդ կետի 17-րդ ենթակետի դրույթները՝ Պայմանագիրը միակողմանի լուծվում է»:

Պատվիրատուի կողմից 03.11.2020թ. Տեղեկագրում հրապարակվել է Պայմանագիրը միակողմանի մասնակի լուծելու մասին ծանուցումը:

«Քաղաքացիական օրենսգրքի 417-րդ հոդվածի 3-րդ մասի համաձայն՝ **ձեռնարկատիրական գործունեություն իրականացնելիս պարտավորությունը չկատարած կամ անպատշաճ կատարած անձը պատասխանատվություն է կրում, եթե չսպացուցի, որ պատշաճ կատարումն անհնար է եղել անհաղթահարելի ուժի, այսինքն՝ փվյալ պայմաններում արտակարգ և անկանխելի հանգամանքների հետևանքով**, եթե այլ բան նախատեսված չէ օրենքով կամ պայմանագրով: Նման հանգամանքներ չեն, մասնավորապես, պարտականությունների խախտումը պարտապանի կոնտրագենտների կողմից, շուկայում անհրաժեշտ ապրանքների կամ պարտապանի մոտ անհրաժեշտ դրամական միջոցների բացակայությունը:

Պայմանագրի 3.1.4-րդ ենթակետի համաձայն՝ Պատվիրատուն իրավունք ունի միակողմանի լուծել պայմանագիրը և պահանջել հատուցելու իրեն պատճառված վնասները, եթե.

ա) Կապալառուն ժամանակին չի սկսում աշխատանքի կատարումը կամ աշխատանքը կատարում է այնքան դանդաղ, որ դրա ժամանակին ավարտը դառնում է ակնհայտ անհնար,

բ) Կապալառուն խախտել է պայմանագրի 1.3 կետում նախատեսված ժամկետը (ներառյալ օրացուցային գրաֆիկը,

գ) Կապալառուի կողմից կատարված աշխատանքը չի համապատասխանում նախագծանախահաշվային փաստաթղթերով սահմանված պահանջներին,

դ) Կապալառուի կողմից խախտվել են պայմանագրի 3.1.3 կետով նախատեսված հիմքերով աշխատանքի թերությունների անհատույց վերացման ողջամիտ ժամկետները:

Պայմանագրի 7-րդ կետի համաձայն՝ սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի

ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

ՀՀ Կառավարության 27.09.2020թ. N 1586-Ն որոշմամբ Հայաստանի Հանրապետությունում հայտարարվել է ռազմական դրություն:

Այսպիսով՝ գործով առկա փաստական հանգամանքները համադրելով կիրառման ենթակա նորմերի հետ, գտնում եմ, որ սեպտեմբեր 27-ին ռազմական դրություն հայտարարվելու և երկրում ստեղծված իրավիճակով պայմանավորված՝ Ա/Ձ Կառլեն Սուրենի Ռուստամյանն օբյեկտիվորեն զրկված է եղել Պայմանագրի շրջանակներում ստանձնած պարտավորությունները՝ «ՀԱԷԿ-ԳՀԱՇՁԲ-8/20» ծածկագրով «ՀԱԷԿ» ՓԲԸ-ի գլխավոր մասնաշենքի տեղային գոտու պարագծով սպասարկման ճանապարհի բետոնալցման աշխատանքները Պայմանագրով սահմանված ժամկետում, այն է՝ թույլտվություն ստանալու օրվանից (27.09.2020թ.) հաշված 60 օրացուցային օրում իրականացնելու հնարավորությունից, որի վերաբերյալ վերջինս 15.10.2020թ. թիվ 02/10/20 գրությամբ տեղեկացրել է Պատվիրատուին, ուստի նման պայմաններում հնարավոր չէ արձանագրել Ա/Ձ Կառլեն Սուրենի Ռուստամյանի կողմից «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» նախատեսված, որպես Պայմանագրով ստանձնած պարտավորությունը սահմանված ժամկետում չկատարելու փաստը, հետևաբար գտնում եմ, որ վերջինիս գնումների գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասի 2-րդ կետով՝

Ո Ր Ո Շ Ե Ց Ի

Հայաստանի Հանրապետության ֆինանսների նախարարության 13.11.2020թ. թիվ 26/26-1/16935-2020 գրությամբ Ա/Ձ Կառլեն Սուրենի Ռուստամյանին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը մերժել:

ՀՀ գնումների հետ կապված բողոքներ քննող անձի որոշումն իրավապարտադիր է և ուժի մեջ է մտնում տեղեկագրում հրապարակվելու հաջորդ օրը:

ՀՀ գնումների հետ կապված բողոքներ քննող անձի որոշումը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**Գնումների հետ կապված
բողոքներ քննող անձ՝**



ԳՐԻԳՈՐ ՆԵՐՍԻՍՅԱՆ